

寶真齋法書贊



寶真齋法書贊卷二十

宋 岳 珂 撰

宋名人真蹟

米元章硯山詩帖

行書 八行

山硯雲時抱奩書客不傳北牕多異氣正對淨名天

右先臣芾大字二詩五幅

案硯山詩止一首與二詩五幅之語不符當是友仁所跋

本二詩而珂但得其一耳

臣米友仁鑒定恭跋

行書 二行

右寶晉米公硯山詩帖真蹟一卷硯山者公平生所

寶也老謀菟裘遂以易海嶽之居予固言之矣治餉

京口旣得舊址兔葵燕麥動懷人之歎因築園建祠以奉公一日觴客鵬雲樓上客鄭君猷視園之扁謂笈中嘗藏公硯山詩取而視之良是贖以得之蓋紹定戊子之四月因刻以殿英光之帖

贊曰壺嶺九華營是一枝何異乎持琬琰以易羊皮硯之不存而寶此詩抑類乎舍魚兔而守筌蹄不我後先得于斯時儿席江山庶幾見之

米元章甘露詩帖

行書二
十行

欲雨氣不透庭梧有栖煙迴首望北固雲藏淨名天呼

童速具輿凭高攬山川隱見豈不好開霽景固全須與剛風流湛湛清露圓歸塗知有伴華月上丹淵○甘露作呈夷曠

右寶晉米公甘露詩帖真蹟一卷甘露之勝偉矣公詩奇筆勁亦復稱之予皆未暇論獨詳味呼輿及歸塗作伴之語公之居必在山之趾殆是海嶽未火時他日旣東當不復能竟夕往來矣山有鳳凰池丹淵蓋指此予于是益信予之記跋皆粗有依據紹定戊子四月得之蘇臺王氏紙素少暗故湛湛如碧雲色

有藏書家印四字畫尤飄勁于平時。今世奇帖
 贊曰公嘗有淨名之詩曰殷勤顧景物為爾老南徐
 攷乎此篇則出無晴雨之待觀無陰霽之殊晝呼竹
 輿暮詠歸塗既不舍于斯須其必適于海嶽之故廬
 如曰易硯山之寶儲登樓平章維王及蘇自西徂東
 乃獲奠居此所謂舍其舊而新是圖予固因以驗予
 記與跋之皆不誣也

米元章寶月觀詩帖 行書十一行

新創亭觀之盛又非海岱比也寶月觀用觀風樓基高

出雲表詩曰濁盡塵難掩光分逐露圓香清得桂子珠
 瑩墜花鈿求一篇見海月處也

右寶晉米公寶月觀詩帖真蹟一卷海岱在漣漪是
 蓋公宰邑時所作者本雜書簡帖中亦摘取而別之
 繫以贊云

贊曰月之行空四海清輝豈獨于一觀見之覽層宇
 之翬地高而天隨而後可以觀公之詩

米元章鑑遠前詩帖 行書二行

夜登鑑遠觀江南野燒作

君不見紅旗一卷無奔北龍驤將軍初下蜀又不見天
 兵十萬領潘曹百丈靈旗照江國高樓夜登有健賞江
 南野燒深山谷烈勢已覺逼南辰龍蛇血膏如爆竹故
 應玉石俱被焚老樵拾炭投斧斤長松巨梓中大廈一
 隨烈焰同埃塵人言木自為風戛木中生火自焚燕欲
 知利害日相磨此火害人尤躁熱○帶上呈

右寶晉米公鑑遠前詩帖真蹟一卷帖有四印出貴
 臣家嘉定戊辰官鬻于鄺肆德清李氏得之予又贖
 之李氏其筆法蓋老作云

贊曰登覽之勝隨寓有感野燒之觀玉石俱慘逞志
 一快忘彼物情是以老氏惡夫佳兵觀乎觀乎彼以
 為觀而予以為懲

米元章鑑遠後詩帖 行書十一
三行

鷗鷺寒依水蒹葭靜靡風朝煙開雨細輕素淡山重

鑑遠樓米老 案是詩已見前四大字詩帖中題云過當
塗與寶晉英光集所載合今復出于此而

後書云鑑遠樓米老疑是詩本係過當塗所作
而復于鑑遠樓書之珂遂以為鑑遠後詩云

右寶晉米公鑑遠後詩帖真蹟一卷紹定戊子歲二
 月得之平江莫氏莫蓋寶首家戚舊云

贊曰野燒之觀予嘗以爲歎此詩之存予又以爲欣
一鑑遠耳而戚休之以身天乎非人

米元章卽事詩帖

行書十一行

不應武康清溪之檄端居卽事呈淮陽建昌二太守辰
溪監郡三公芾上

秘篋大開千古到雪圖小挂滿堂寒墨濃員嶠峰孤起
枕冷燕山玉一團圓扇古人蜂雀意清風四海弟兄歡
閉關不謝勤來客畏暑非緣懶作官鳧脛欲長寧可益
蝸枝求足已能胖有時驚覺神瀟夢北里新聲舞翠鸞

右寶晉米公卽事詩帖真蹟一卷按書史公游相國
得雪圖爲富韓公之婿范大圭持去其記甚詳今此
所挂豈別一王維耶且畏暑不應檄自開秘笈而勤
來之客不拒想皆樞言康功志東輦耳又不知二太
守一監郡果何如人也帖本與諸小帖同得別而出
之

贊曰平時不可告以情之客自不得以窺秘笈而況
乎畏暑與閉關三公得此詩固必能進退如理據空
案以觀者也旁無梅子平又烏知垂涎于滿堂之寒

塞馬得失海漚往還當不足以隔四海兄弟之歡畫史之浪傳予意其當據此詩以刪之也

米元章催租詩帖 行書 八行

一司日日下賑濟一司旦旦催租稅單狀請出且抄納弊邑以身當夏稅之責不令受賑時催百姓眼中聊一視白頭縣令受薄祿不敢鞭笞怒上帝救民無術告朝廷監廟東歸早相乞○芾呈

右寶晉米公催租詩帖真蹟一卷詩亦在羣帖中摘出歲月不可攷意當在公為漣水雍丘時

贊曰賑濟者何人催租者何司有令如斯而無救于背馳此古人所以設官以採詩也

米元章槐前竹後詩帖 行書 五行

槐前竹後午陰繁壺嶺華胥屢往還雅興欲為十客具人和端使一身閒

古洲居士曾觀 草書 一行

元章字畫脫盡筆墨畦逕無一點塵俗氣是可寶玩槩

敬書 行書 三行

右寶晉米公槐前竹後詩帖真蹟一卷有楚胄印一

紹定戊子予在京口得之亦婺將張松家物也硯山
槐竹似矣餉事日殷安得身閒如公之賦詩乎予于
是有感焉

贊曰槐竹之與居栩栩乎華胥子方發韓滉之連鱸
午陰之繁維以驅原隰之車蓋健羨乎一身之閒所
以縱玩乎八體之書

米元章萬籟詩帖

行書
八行

萬籟寒深響羣山隱映開遲遲暮鐘裏且喚竹輿來
右寶晉米公萬籟詩帖真蹟一卷按此亦甘露作也

寒夜鳴鐘猶不廢登覽江上風月公胸中固有之矣
帖與甘露詩同得亦有藏書家印四
贊曰甘露之江山世固指爲天下之第一矣而况公
胸中自有烟霞之痼疾耶予嘗持斯帖據狼石望淮
海弔今昔慨然歎曰神州沈陸固當待一代之英雄
名勝風流亦必屬百年之翰墨也

米元章壯觀前詩帖

行書二十六五
行兩詩連書

無涯小智日營營昔昔浮生夢數驚重到白沙登壯觀
江湖醉眼暫揩明

夢寐中間得鹿時
孔軻如在定能知
江山勝處頻傾酒
我是當年謝客兒

右寶晉米公壯觀前詩帖真蹟一卷有內殿圖書五
紹興小璽一其子友仁鑒定于後按山林集嘗有是
賦泱泱乎瑰辭雄談前無卿雲殆與是詩相爲表裏
信哉山川清奇樽俎名勝要非齷齪塵埃者所可與
議也嘉定甲戌十一月予在中都得之鄜陽者

贊曰北山之麓有奇觀景絕人奇乃無間賦非雕蟲
句有眼千古雄姿想蕭散我觀此卷字老孌猶似古

葵親數頰借公舊詩聊永歎跪閱墨皇三復返

米元章壯觀後帖

行書十一行

同二公遊壯觀上呈府公工部芾

壯觀不到俄四朞
丁寧老思模雄奇羣
山勢活各奔走
大川氣斂合衆離
蒼嵌留雪玉刻巧
碧落靜滑紅輪馳
寒潮不生九澤凍
行膠與子約再來

右寶晉米公壯觀後詩帖真蹟一卷亦在舊帖中公
于壯觀拳拳如此胸次可知也

贊曰四朞之不到雪餘日杲停舟不棹無嫌乎衝冒

出此詩畫摹寫天巧觀之壯思之老詩乎可攷

米元章姑孰詩帖

行書二
十二行

下輿照澗數星星一世還如隔世經不見山東李十二
青山山色只青青

過姑孰作海嶽米老

右姑孰詩大字先臣芾真蹟臣米友仁鑒定恭跋

右寶晉米公姑孰詩帖真蹟一卷短軸大字筆老意

真有其子友仁跋凡璽印十有七歷歷咸具詩蓋爲

宮錦謫仙而作千載相望可以紹遺躅矣寶慶乙酉

四月予得之京師屬鸞者開卷歎息因賡其詩以爲
之贊

贊曰天上文章一酒星生平只欠換鵝經奇才逸思
通千古留待南宮眼爲青

米元章道林詩帖

行書十
四行

涉嶽不自期孤雲掛松頂一揖不相期飛去無留影雲
已去泉長雲泉畢世友相得每相忘

漣漪瑞墨堂書

先子道林小詩一首友仁鑒定真蹟謹跋

行書
二行

米元章字畫類能用其所長往往不擇紙筆皆得如意
至于險怪脫略雖其病處亦自成妍者也慶元戊午秋

八月周蒙題

行書
四行

右寶晉米公道林詩帖真蹟一卷有其子友仁鑒定
他蹟皆著臣名惟此則否蓋士夫家所藏而取正于
友仁者也予開禧丙寅以南徐庾吏被檄犒師宿泗
至于漣漪荒壘頽垣中有十數立石皆靈壁奇甚狐
榛免葵蕪穢埋沒或指謂予曰此瑞墨堂故基後二
十三年而得此帖于京口道林在三湘間豈漣漪別

有其名耶極目莽蒼又豈雲泉松陰隨時變遷耶不
然則友仁之鑒定或在他帖而此詩非道林之真耶
按山林集詩無名特繫之瑞墨堂是拾遺者亦不得
而攷耶贊之以傳疑焉

贊曰道林之名予不得而知雲泉松石之勝寫于漣
漪必其地之景物足以稱其詩也今其陳跡杳然已
無復遺予蓋嘗登瑞墨之基渺一境之陂陀皆平蕪
與荒畦又惡覩所謂畢世相忘之奇泉侈雲歸松橋
斧隨世固多有之而予獨于此奇其北向之悲也

米元章賞心詩帖 行書十行尾記二行共二十字

尾記二行亦脫
去今並仍原本

晴新山色黛風縱蘆花雪盡日倚雕欄寒宵低細月

右寶晉米公賞心詩帖真蹟一卷嘉定己卯予漕江

東屢登賞心訪卧雪之圖問坡仙之跡獨未知有是

也後八年二月于京口得之以三萬錢予欣然蓋自

慶未始得聞也意如寶晉者豈知百餘年後為人作

三萬錢地耶

贊曰金陵之賞心天下之奇觀真足以當南宮之詩

翰予之持節登覽非一旦而得此詩八年之泮奩吁

嗟公兮豈料百年而售此詩于三萬金

米元章壽時宰詞帖 行書二十行

祝壽慶生申德日維新期頤眉壽壽長春五福三靈祿

永永長壽仙人遐算等莊椿德康寧年年懽會笑欣欣

歲歲仰依壽域彭祖廣成 ○祝壽浪淘沙帶上獻

先子真蹟也昔唐李義府出門下典儀宰相屢薦之太

宗召試講武殿側坐而殿賜有烏數枚集之上令作詩

詠之先子因暇日偶寫今不見四十年矣易安居士求

跋謹以書之數文閣直學士右朝議大夫提舉佑神觀
友仁謹跋行書 九行

右寶晉米公壽詩帖真蹟一卷詞不知上于何歲月

山林集有呂波公生日詩豈同時耶嘉定辛巳二月

得之建康元暉跋本他卷物以同得故併標之

贊曰太平得協于夢卜濃墨大軸予未知其誰祝韓

呂之穀王蔡之辱尚四海之欲

米元章墓誌帖行書一 百六行

宋朝散郎飛騎尉賜緋魚袋陳君墓誌銘有 序

右銀青光祿大夫守尚書右僕射兼中書侍郎上柱國

魯郡開國公曾布撰奉議郎充江淮荆浙等路制置發

運司管勾文字武騎尉賜緋魚袋米芾書龍圖閣學士

朝請大夫知揚州軍州事兼管內勸農使上護軍曲阜

縣開國子賜紫金魚袋曾肇篆蓋

治平中余為海州懷仁令而永康陳君實佐余為主簿

余與君皆少且壯相得甚適後六年余以翰林學士判

司農寺薦君為勾當公事余論事貶番易君亦以憂去

又二十年余在政府而君復官守京師又七年君以疾

卒明年其子次中緘服自浙東來再拜且哭願得銘也
余與君游四十年而又以仲兄之孫妻次中銘詎可辭
君諱愷字濟公婺州之永康人曾祖思遠祖文授父億
皆不仕父以君貴婚朝奉郎君力學有大志少以文采
知名朝奉君與大父相繼卒君未及冠家故貧無嘗喪
祭冠婚悉倚君以辦其餘力已能嫁兄弟之女未嫁者
登治平四年進士第初仕蓋懷仁也徙光州軍事推官
知廬州合肥縣丞事熙寧中神考肇新百度弛徭役以
寬民力修水土以敦本業更常平斂散之法以恤貧弱

凡經畫民事一委之司農故司農最號要地爲從事者
實一時高選然經始之際四方以利害言無虛日君從
容研究纖悉通解時以爲稱職遷著作佐郎且命按察
淮西農田保甲等事召對便殿復使淮浙兩路歲大旱
民轉徙于道君移文郡縣賑恤之婺爲甚飢殍枕藉君
欲發常平之粟以紓其急部使者噤不肯從君顧而言
曰吾銜命使一方民疾苦若是儻不能盡力于斯實辱
君命且吾職在廉察爾終能與我違戾耶責固在我爾
安無恐乃大開倉廩民賴以活部使者由是銜之君之

出使里人有擊鮮釀酒以勞之者而使者在所部乃以君爲墨而置之獄有司傳致卒坐法免議者以君爲冤哲宗踐阼以恩復宣德郎監福州海口鎮鹽稅徙光祿寺丞分司南京已而朝廷知其非辜悉除其罪以選爲鄖國忠正武昌軍三院大小學教授秩滿除通判熙州未行改管勾步軍司差撥剩員所今天子嗣位賜五品服累遷至朝散郎飛騎尉元符三年七月屬疾謂其子曰吾且死亟告老以歸乃屏醫藥不復詢家事旬日而卒實癸巳日也享年六十有六以崇寧元年三月十

七日壬申葬于龍山之北原娶錢氏封金華縣君子男五人長曰次牧太廟齋郎次曰次公次曰次中擢進士第爲峽州安遠縣尉次曰次仲次道與次公舉進士女三人長適鄉貢進士袁輪次適鄉貢進士李光祖次適鄉貢進士許操孫男二人女一人君詞學爽邁少以氣自豪而又敏于從政所至輒治辦熙寧首被選擢人實期以通顯然一遭橫逆誣服受詬坐廢幾二十年困躓有如是者余自州縣吏與君相好逮余執政君已垂老而不用于世方將從容薦于上而君不幸死矣豈命也

夫銘曰仕困于仇而不克顯才屈于命而不克施有子而立嗣厥世君則不朽刊吾詩

右陳朝散墓誌丞相魯公撰先子晚年真蹟紹興丙寅

仲夏二十八日獲觀友仁鑒定謹書

行書 四行

右寶晉米公書曾文肅陳濟翁墓誌帖真蹟一卷諛

墓之文豐碑碩碣相望于墻間而世率不之錄者書

也紹定戊子二月得之雪川李氏

贊曰予觀柳少師在唐以能書聞當時碑誌或非其

筆則人以不孝議其子孫噫噉陳君之傳夫豈以文

贊曰八月一帖無為寶晉之刻則其初也兵燬而後

重取而鐫遺其精而得其粗也京口供軍之碑紹興

所傳芾之書也此帖亦其同時同出于尚方之儲也

芾之嗜帖所謂麻紙十萬足以驗其平生之工夫也

字與跋皆不同蓋所臨雖出一手而其所得之時日

則殊也供軍帖字之所以寡出于率意之真而此二

帖則皆臨而非摹也京口海嶽芾所居也兩臨本之

並傳尚可以見其人之緒餘也

米元章臨智永千文真草帖

十二行天地玄黃至
菜重芥薑海真草間

列尾記二
行文不錄

崇寧兩學書贈亦虛

右智永書真草千字文真蹟先臣芾手臨臣米友仁鑒

定恭跋

行二

右寶晉米公手臨陳僧智永千文二卷摹臨兩法本

不同摹帖如梓人作室梁榱椳桷雖具準繩而締創

既成氣象自有工拙臨帖如雙鵠並翔于九霄青天

浮雲浩蕩萬里各隨所至而息寶晉蓋進乎此者也

神動天隨筆與心會似不似未可期而真態頡頏已

福本于口世與佛有緣神通光明具足圓滿于口寶

真是足以為寶矣

贊曰我佛住世大開方便有大士者現自在身以千

手眼一一接引指示羣迷照破諸妄如是我聞佛說

了義諸鈴杵鐸寶塔經卷輪拂瓔珞種種所執凡所

執者俱非有相智慧清淨肉眼慧眼佛法天眼種種

所見凡所見者俱非有著以無相故釋諸纏縛一切

衆生得大解脫以無著故具足圓明一切衆生得大

知見佛尚無相何況于讚佛身常住即心是佛稻麻

竹葦無限劑數彼頂戴者皆真實相百千萬億何況
于身涪幡說法如標月指標本在手何者為月寶晉
寫讚如轉輪王運轉隨人終不成道我不見燈我不
執筆非見非執手眼皆具稽首大士大慈悲故去我
妄想即見如來

米元章臨晉武帝大水帖

草書四行
尾記一行

去歲大水城中大飢撫別君便常分南諸軍耳此奈卒
無所復箭已送

右晉武帝書李太師瑋本

右晉武帝大水帖先臣芾手臨真蹟臣米友仁鑒定恭
跋二行

右寶晉米公手摹晉武帝大水帖真蹟一卷寶晉平
生自言法書斷自西晉其作書史載李瑋家所得晉
賢十四帖中有臣詹晉武帝批答一豈此耶臣詹不
知何人不足摹故止及武帝書耳按今中祕羣玉堂
帖芾真蹟有云好事家所收帖有若篆籀者回視二
王頓有塵意晉武帝帖是也謝奕之流混然天成謝
安清邁真宜批子敬尾也其帖首尾印多與弊笥所

收同君倩唐氏陳氏之類印玉軸古錦皆故物希世之珍不可盡言恨不能同賞歸即追寫數十幅頓失故步可矣可笑觀此芾之留意蓋可見西晉字在今豈可復得得見芾之摹斯可矣其子文仁嘗著益定縫有內祕書印紹興印二宸奎標曰嘉定甲申十月客或得之宗潘以歸于我贊曰論帖至晉書法之祖遡晉而西又舉一武樸散質寓意妍態魯禁嚮之藏尚觀真古

米元章臨謝安八月帖

行書七行

米芾臨謝安八月五日帖

御書題籤

八月五日告淵朗廓攸靖玄允等何圖酷禍暴集中郎奄至逝沒哀痛崩慟五情破裂不自堪忍痛當奈何當復奈何汝等哀暴斷絕號咷深至豈可為心奈何奈何安疏

右謝安八月五日帖先臣芾手臨紹興九年四月二十

七日臣米友仁審定恭跋

三行

右寶晉米公手臨晉太傅謝安字安石八月帖真蹟

一卷按帖本在淳化閣帖中東淮餉府供軍堂所刻

破羌帖之次亦有此臨帖本出天上有紹興三璽并
宸翰標目亦其子審定而帖中情字作內字又中間
少十二字末少奈何二字蓋臨帖縱筆隨意所爲者
不若此本則與閣帖皆同也友仁謂芾平生蓄晉帖
日臨學不計數夜則以小笈置枕旁攷之寶晉山林
集所贊所藏芾嘗自指此爲絕品宜其臨本之多也
帖尾友仁跋字與前跋亦較歲月又不知中興後所
流傳者有幾而吳氏之傳與予之得脗合如一是一
重可貴也寶慶乙酉二月得之故宗臣家

贊曰八月一帖無爲寶晉之刻則其初也兵燬而後
重取而鑄遺其精而得其粗也京口供軍之碑紹興
所傳芾之書也此帖亦其同時同出于尙方之儲也
芾之嗜帖所謂麻紙十萬足以驗其平生之工夫也
字與跋皆不同蓋所臨雖出一手而其所得之時日
則殊也供軍帖字之所以寡出于率意之真而此二
帖則皆臨而非摹也京口海嶽芾所居也兩臨本之
並傳尚可以見其人之緒餘也

米元章臨智永千文真草帖

十二行天地玄黃至
菜重芥薑海真草間

列尾記二
行文不錄

崇寧兩學書贈亦虛

右智永書真草千字文真蹟先臣芾手臨臣米友仁鑒

定恭跋 行二

右寶晉米公手臨陳僧智永千文二卷摹臨兩法本

不同摹帖如梓人作室梁榱榱桷雖具準繩而締創

既成氣象自有工拙臨帖如雙鷗並翔于九霄青天

浮雲浩蕩萬里各隨所至而息寶晉蓋進乎此者也

神動天隨筆與心會似不似未可期而真態頡頏已

與千載相上下矣帖有小璽藏肝江廖氏慶元丁巳

予歸自閩九月相遇皇華館廖方以此軸投郡守丘

琛予輟而取之

贊曰永之法妍以婉芾之體峭以健馬牛其風神合

志通彼妍我峭惟神克肖故曰袒裊不浼夜戶不啟

善學柳下惠莫如魯男子芾其知此

米元章臨右軍四帖

草書第一帖七行第二帖三
行第三帖二行第四帖六行

米芾臨王羲之初月十二日等帖 御書
題籤

初月十二日羲之累書至也得去月二十六日書為慰

以可不下違之不無所一欲噉不化消諸弊日甚不知何以教之罔然及不王羲之頓首

官舍佳也節風故不適可憂彼云何昨得熙書殊佳甚慰甚慰

得官奴晉陵書平安念懸懸此組佳一日書以□□□見尚書一日遣信以具必宜有行都情事恐不可委行使耶遲遠具問近以之尚書懷今後遣吳興也

羲之真蹟四帖麻紙上書先臣芾舊所藏其二得于職方員外郎劉涇其二得于大相國寺僧清道偶合縫有

唐室貞觀小璽文大觀間已獻御府迄元祐之末先臣芾權潤州州學教授時紹聖間任樞密院事林希以待制爲潤守極好古博雅出此帖示之希曰昨秘閣所見貞觀印文貞字在上觀字在下相去五六寸許遂熟視之所印上下各不相對希嘆曰益顯此書是真唐御府所藏蓋或有時上下印也先臣芾所藏晉唐真蹟無日不展于几上手不釋筆臨學之夜必收于小篋置枕邊乃眠好之之篤至于如此實一世好學所共知此帖乃先臣芾中年手臨今得秘于紹興嗣聖天府實萬世不

朽之傳翰墨之學出類拔萃必有神物護持亦可謂榮
遇矣今臣忽得經目一閱恭跋于後臣又繼膺宸翰所
臨以賜伏覩筆意快逸意在筆先字字縱心皆相連屬
龍鸞飛翔眩映觀覩深得羲之法度妙處非愚臣所敢
率易窺頌得以寶之十襲傳示雲來臣之一門父子預
榮實千載未易逢之幸也紹興七年閏十月十二日臣
米友仁書

行書二
十六行

右寶晉米公手摹王右軍四帖真蹟一卷其子友仁
奉詔跋其後具記顛末帖有米姓翰墨印鸞熊後人

印壬寅印各二首印半已不存內府書印幾暇清玩
之印內祕書印各一又有宸翰標目嘉定甲申歲十
月有貴裔自都攜過金陵以售予惟京口餉臺有供
軍堂前使者吳琚嘗以內府所賜寶晉破羌帖刻之
石珂復于是堂得此帖皆出一手皆得之天上意若
神物之合自有其時而非偶然者乃復刻置堂廡俾
對峙焉

贊曰東淮餉府供軍堂壁有龕石鸞鵠翔問之何石
摹破羌曾傍雲漢分天章延陵刻此侈寵光後四十

載猶煒煌我持搨本謹誌藏三年倚徙玩未央客來
袖出雲一張曾染復古隄麋香珠璣別出十九行驚
喜比並走且僵擗華綉彩交相望宛然並粲如英皇
幾年絕識高君王尚取鑒定煩諸郎半歸左晚半尚
方駕言駟隰留遺芳今夕何夕獲干將鑊卸未睹龍
已驥吳侯攀髯歸帝鄉秋虹挾月常貫牕誰能籟雲
開斗房攜書伴我老柴桑要隨神物恢混茫更斲此
石封苔蒼六丁雷電未可量會見難起初平羊

米元章臨右軍玉潤帖

行書十一行內
先生字空闕

官奴小女玉潤病來十餘日了不令民知昨來忽發痼
至今轉篤又若頭癱頭癱以潰尚不足憂痼病少有差
者憂之焦心良不可言頃者艱疾未之有良由民爲家
長不能尅己懃脩訓化上下多犯科誠以至於此民惟
歸誠待罪而已此非復常言常辭想官奴辭以具不復
多白上負道德下愧先生夫復何言

羲之玉潤帖世舊有石刻流傳好事之家多有雙鈎模
本此帖先臣芾手臨蓋中年字也筆筆取似故無少異
紹興丙辰季冬初七日臣友仁審定

行書
五行

右寶晉米公手臨王右軍玉潤帖真蹟一卷嘗入九

禁有內府三印其子友仁鑒定于後筆勢所及真有

衛夫人所謂洞精道媚態度使右軍而在猶當起咄

咄逼人之歎也按書史帖乃唐人冷金紙上雙鈎摹

連在稚恭帖後字大小一如蘭亭芾自以想其真蹟

神妙為言則是未嘗得見真帖摹之又摹猶能如此

意所到處殆所謂閉戶造車出門合轍者矣珂嘉泰

甲子歲十二月之官南徐李奉寧燕餞以是為贈

贊曰熠煜星颯達之伍乎軒冕相禪泉石之嫵乎

美疾惡石天所痼乎情之所鍾同此趣乎排九閭之

雲巫咸之訴乎後千年有人堙澤之呼乎

米元章臨筆精日寒二帖 行書十
三行

紙筆精要深知兒至欲一物而無所書信後酬德筆永

不可用都下三錢方之上選信致一者佳并自三兄道

此也衛軍名書

日寒涼得告承諸惡猶不勝復極嘗慘痛悲灼僕病正

自不差疾久自憂日深悲企甚積既慘居疾係以罪黜

二三不越出門近起取叙不復益企恨壯掌有人當復

見耳及不次獻之白

右寶晉米公手臨王右軍筆精帖大令日寒帖真蹟一卷淳熙閣帖以爲羊欣書按書史王羲之筆精帖內兩字集在諸家碑上縫有貞觀半印王獻之曰寒帖有唐氏雜迹印後有兩行謝安批所謂批後爲答也唐太宗不收獻之帖而收雜帖故于帖上刮去不次獻之白字謂之羊欣以應募而以前帖爲薄紹之書跋尾書官姓名云大歷某年月日下刮去古姓名五代人題曰薛邕記之後題一行曰某年和傳遺予

押字是薛丞相居正此卽和凝丞相疑爲薛氏故物以遺薛也其後歸王文正家此乃芾見真晉帖之始今此臨本後仍有不次等五字蓋芾想像刮去之遺蹟而足之者而寶章待訪錄又載二帖顛末曰本故相王曾家物在其孫景融處後爲前龍圖待制沈括存中取之古跋右軍作羊欣日寒作薄紹之仍將大中歲跋刮去數字填爲薛邕記之而故相薛居正題曰和傳遺余此蓋和凝以爲薛氏故物歸居正耳唐太宗雅不喜子敬書故時人以他名名之以應募所

謂紹之書白乃于耳字下刮去及不次獻之頓首字猶在一分許可識大中所跋既不能辨復爲不鑒之人所收遂使至賈永失其真吁可痛也所紀互是特芾所臨後帶筆莫知其爲白或頓首也以一人之筆力合千載之二妙此臨書之所無非芾其孰能與于此哉卽臨以想真當益可珍尚惜其不得見真矣帖故在李奉寧家有紹興御筆題字仍著小璽嘉定戊辰歲二月予就試中都因卽其家閱書帖見之指所題誤合二者爲一摘其不然爲撫米書及閣帖參定

客謹不信旣而皆脗合李喜舉以遺予

贊曰羲獻之蹟臨者米也遡觀欣書乃二體也隨珠卞璧萃此紙也以鑒得之亦可紀也

米元章臨王獻之臺符帖

草書
三行

米芾臨王獻之臺符帖○奇

題籤

元參軍雖可外將豈知何白臺符從事耳

右王獻之臺符帖十六字先臣芾書紹興十年二月十

五日臣米友仁審定恭跋

三行

右寶晉米公手摹王獻之臺符帖真蹟一卷紹興天

筆書標目注以奇字有其子友仁審定昭回下賁萬物五色芾于是有餘榮矣帖故先君手裝有芾二印內府五印藏書家一印標軸蓋天上物云

贊曰芾贊謝安帖而嘉其得太帝之翰墨龍跡震驚言猶未泐豈知其身被帝澤也哉士患不能不患不知百世俟聖乃今見之予將以之為行己之師

米元章臨王獻之東問帖

草書 三行

米芾臨王獻之東問帖

御書 題籤

東問具道姊消息此人豈能知其況耶

右王獻之東問帖十五字先臣芾書紹興十年二月十五日臣米友仁審定恭跋

三行

右寶晉米公手摹王獻之東問帖真蹟一卷首尾列內府四印藏書家一印芾二印紹興天筆題其首其子友仁跋其後芾摹帖多矣簡嚴精絕惟此帖與臺符帖為然亦予家故藏

贊曰字有十五如月當戶騰輝以望靡忒今古匪獻莫具匪芾莫祖誰其修之有玉其斧

米元章臨顏真卿放生池帖

楷書 六行

天下放生池碑金紫光祿大夫湖州刺史上柱國真卿

撰并書

右先臣帶手臨顏真卿書放生池二十四字臣米友仁

鑒定真蹟恭跋

三行

右寶晉米公手摹唐顏魯公放生池帖真蹟一卷顏

米本異體摹而傳之見其習之博而嗜之專也雖然

骨格之存似不蓋真予固有稽焉帖藏御府故出杜

氏存者三印表以小璽其子友仁復著鑒定嘉定壬

午二月得之江陰王氏

贊曰楷正而端方維顏之長軒昂而自喜維米之體

多嗜而博愛故能有其態畧迹而取神故不沒其真

是曰唐放生之碑作者書之能者摹之江陰之王昇

我儲之五御既調又日驅之於庠後生誰能如之

寶真齋法書贊卷二十

寶真齋法書贊卷二十一

宋

岳

珂

撰

宋名人蹟真

邵仲恭展晤省見二帖

並行書第一帖九行第二帖三行

齟叩頭哀苦無慘不獲時拜書問不審邇來尊候如何
齟哀瘵蒙恩未緣展晤仰祈對時保重區區祝頌謹奉
手啓不次孤子邵齟叩頭鴻慶太祝

三十一舅三十一姪縣君到鄉事少閒卽常到省見外
婆泊諸姪也閒恐知之

右崇寧直龍圖閣知蘇州邵公鰲字仲恭展悟省見
二帖真蹟一卷邵氏多以字畫顯如公主糧餉而有
安衆之勇壻黨籍而無仕已之愠尤可嘉者帖以開
禧乙丑四月得之丹陽顧氏蓋其里云

贊曰寶晉大字之刻嘗同公遊必嗜好之素同故忘
情乎尋壑之與經丘予嘗陋貞觀慰問之不收得此
帖于鄉攷百年之風流識者必曰此吾宋之邵蘓州
也

龔深父南康帖

行書十一行
尾批二行

原頓首辱惠書欣承法候萬福慰釋慰釋原蒙恩出守
南康正遠良集千萬自愛以慰頌言遽中作復潦草尚
冀道照不宣原頓首惠因信公法師
會沈正叔煩致意人速不果上狀原

右崇寧兵部侍郎龔公原字深父南康帖真蹟一卷
按國史公自瑣闥以議泰陵喪禮出知南康軍此帖
蓋以別所與遊之僧者有藏書家六印紹定戊子四
月得之毗陵士人孟葵家

贊曰公用王氏學術終始不易雖有歉于識然亦足

以知其自信之力一偏之溺異端之惑視此手蹟

張文忠至都帖

草書
七行

商英啟辱教承已至都下薄寒起居佳休令甥書蟹已
領旬休卜見不宣商英再拜知郡朝奉

右大觀宰相太保張文忠公商英字天覺至都帖真
蹟一卷予舊與匡山西寺僧師玉游以慶元戊午二
月得此帖于其室玉得之僧聰聰得之僧傑傑得之
無垢張待制家其自言付授如此

贊曰無盡之學出入孔釋故其筆法倜儻斜直于跌
宕中時入繩墨亦猶卽紹聖以侮元祐之正用大觀
以反崇寧之譎凡是心之所蘊已畢寓于聲畫雖曰
自益斷猶可識使其知根莖之物則而推以芟葛藤
之蒙闐如是帖者亦可以為傳世之名蹟矣

張文忠草書韓退之桃源詩帖

草書五十一行楷
書名記一行前有

何人標題一行後楷
書全詩二十二行

天覺丞相書韓退之桃源圖

神仙有無何渺茫桃源之說誠荒唐流水盤迴山百轉
生綃數幅垂中堂武陵太守好事者封題遠寄南宮下

南宮先生欣得之波濤入筆驅文辭文工畫妙各臻極
異境恍惚移于斯架巖鑿谷開宮室接屋連牆千萬日
羸顛劉蹶了不知地坼天分非所恤種桃處處惟開花
川原遠近蒸紅霞初來猶自念鄉邑歲久此地還成家
漁舟之子來何所物色相猜更問語大蛇中斷喪前王
羣馬南渡開新主聽終辭絕共淒然自說經今六百年
當時萬事皆眼見至今幾許猶流傳爭持酒食來相饋
禮數不同樽俎異月明伴宿玉堂空骨冷魂清無夢寐
夜半金鷄啁晰鳴火輪飛出客心驚人間有累不可住

依然離別難爲情船開棹進一迴顧萬里蒼蒼煙水暮
世俗寧知僞與真至今傳者武陵人○韓退之桃源圖
右張文忠草書唐韓愈桃源詩真蹟一卷本朝草聖
代有名人如公不以書稱而偉特軒翥如此蓋亦胷
中之鬱勃不能伸于二蔡者故有託諸此也帖故藏
沂恭孝王家有印識存不知何緣流落江浙紹定戊
子三月予得之京江首標一行及末系真書詩本俱
不知何人筆意亦可取

贊曰太平宰相張天覺草聖之神何卓犖幾年嘉禾

識奇作餘事猶令墨池涸仙源三月桃雨落雲黑洞
深風色惡夢回滿紙字如昨喚起龍蛇見頭角

趙清憲近郡帖 行書 五行

挺之再啓不才蒙恩臨守近郡方賴賢者助之承已解
秩不勝慊然猶幸款集少慰瞻企挺之又啓

右大觀宰相司徒趙清憲公挺之字正夫近郡帖真
蹟一卷元祐中公自御史以不言蔡忠懷安州詩事
謫楚州是帖蓋當時與郡僚者不知指何人紹定戊
子三月得之吳門士人王之德有藏書家二印

贊曰兩蔓菁之為蒼生孽蓋不啻于潰腸爛胃之酷
烈公為秦和亦既力辨而逆折矣顧亦知市中所貨
之參苓即當日之鴆葛乎陵下援上之相從揣中人
之旨而倡紹述者固後來之萌枿也所趨蓋繇此而
異轍矣今觀遺蹟清平茂悅又何不類乎一時之勇
決也賦詩一絕首為是說子聞之楊文節

趙清憲挽辭帖 行數 原缺

楊十七應之兄學士挽辭 趙挺之

廓落襟懷德藝優身名曾不問沈浮當年冊府曾同命

早歲文場每並游寂寂舊廬東觀曉翩翩歸旄北邙秋
都城猶記樽前別余元祐八年出使京東應之饒別
于相國寺第
爽今隨逝水流

右趙清憲楊應之挽辭帖真蹟一卷按應之名國寶
東萊呂氏之甥其行己之介務學之純在伊川門人
最表表者帖與張子野二辭偕來較之手帖蓋無一
筆不似異出而脗合信乎其真也

贊曰公為中司排擊元祐故臣而猶拳拳于伊洛之
門人豈奏疏陳事或為世資而詘而作詩懷友固不

害于私情之伸耶於虛是私情也而實出于公言此
予之所以重嘆而列之于斯文也

吳開府前日帖

行書
九行

居厚頓首前日獲從容教益少慰馳情信宿伏惟動止
萬福使至蒙手墨尤以感佩知從御來且遂南塗中萬
萬若時倍加珍重不勝誠禱不宣居厚頓首再拜伯彊
長官服次

右大觀知樞密院武康節度使開府吳公居厚字厚
老前日帖真蹟一卷裕陵嘗謂公才智有餘辦治為

一時最然于天下不能無議也洪爲公畫繡地慶元己未五月得此帖于洪人王集大成

贊曰豫章之東湖有公之居西山薦圖味鳳滴蛛伊波之餘而無以昌其書嗚呼

章申公屏居帖

行書九行
尾批一行

惇啟專人惠問佩服勤厚庚伏畏暑信後佳否哀拙屏居如昨相望十舍未有晤集之期千萬自愛奉此敘謝不宣惇頓首子高知軍大夫足下十三日

右兩朝宰相太師章申公惇字子厚屏居帖真蹟一

卷公才偉矣而用之者背馳使英邁之姿與翰墨俱鬱悲夫欲後之世因其蹟識其人猶不可弗錄也開禧乙酉七月得之富沙

贊曰張無盡嘗謂公奇男子夢中劇談若或見之矧予于手蹟之遺猶足以覩百年之風姿仕繫于時才高用違覽者未嘗不三嘆息于斯噫

薛黃門眷聚帖

行書
兩行

眷聚伏惟均休昂上問

右大觀門下侍郎薛公昂字肇明眷聚帖真蹟一卷

予嘗與公之孫寤為僚今二十年矣獨未識公字畫幅紙九字實與趙清憲帖偕來斯亦可以想太平之人物也

贊曰九字在紙落落晨星此帖之傳猶及太平意象軒昂足稱其名作此贊焉惟字之評

晁之道促裝帖 行書十行 尾記一行

詠之再拜上覆領教答伏審尊體萬福下情感慰官期已迫當遂促裝久閒亦宜早就道也詠之殊未有所向孤蹇愈難扶持且久忘懷矣未有承教之日千萬保重

不備詠之再拜上覆八兄通判朝奉嫂縣君座前七月二十四日

右大觀提點崇福宮晁公詠之字之道促裝帖真蹟一卷公上書入黨籍邪等文章名節照映一時予家九江州歲從公子璧游仰世德之弗替幸門素之有攷是帖得之其家蓋慶元戊午十一月也

贊曰仕以行義有時乎為貧也兄弟之間情事貴乎真也公起異科仕不患不伸也囊封叩閭因以警夫君也忠既弗售反以錮終身也扶持之難曷敢尤夫

人也今觀斯帖凜乎其若存也於虛文元有以教子孫也德之不孤吾知必有隣也

霍仁仲指教帖

行書
四行

小姪文與獲備洒掃之役凡所不逮乞一二指教深所望于大賢也切懇切懇

右政和吏部侍郎霍公端友字仁仲指教帖真蹟一卷太平文物至祐陵而盛公以龍首位豹從才學著聞實一時翰墨之選書蹟傳世固其宜也帖藏常之寓公胡榮家嘉泰壬戌十一月得之會稽

贊曰金斗之魁祥爛兮流光玉墀之西廂頤兮何囊寶墨之淋浪蔚兮遺芳百年之巾緇宜兮誌藏

葛文康書簡帖

十三帖並行書第一帖十四行第二第四帖各八行第三第七第八

帖各十行第五第九第十帖各十一行第六帖十三行第十一帖四行第十二帖七行第十三帖二行

勝仲輒以少意上浼許師德少尹

名操

昨鈞從寓青墩日

屢嘗望履幕捐館踰年小人乘隙凌蔑其家近有僧法初等昏賴墳山地已蒙漕臺僉廳定斷係許家有理而秀州及歸安縣元斷不當更送使府司理院審詳伏乞

鈞察早賜結絕其子許孝訥有事日上呈孝訥于勝仲
爲甥而家兄工部冢婦乃師德女也又聯蔡安世親好
因其見委乃以冒聞非親黨不敢犯不韙幸恕諒勝仲
惶恐上覆

勝仲又啟先公銘文十九日遣介稟呈不知何故未達
重煩見速祇益恐惕并已有書道意諒是續到矣慮有
要增損無惜示下勝仲又上

勝仲特蒙寵餉美醞及死麝皆閒居所難得深佩遠意
勝仲以方去官例不拜知識之饋于左右厚眷獨不敢

辭然在事日數忤雅意今日辭受惟谷但有慙汗而已
謹布啓道謝悃之萬一勝仲再拜上

勝仲諮目再拜述功大孝大夫專使又拜教幅且審順
履炎序孝體如宜不任慰抃閔雨深有旱乾之憂奈何
奈何未緣款晤伏祈以時保衛不宣勝仲頓首再拜

勝仲頓首再拜大孝簽判大夫侍史乖隔歲久咫尺甲
第未遂修謁每勤景嚮卽日初暑伏惟晨夕孺慕孝履
如宜勝仲竊祿詞館託庇粗如昨未閒伏祈以時厚衛
不宣勝仲頓首再拜

勝仲又啓爲郡幾年以賦輿不繼殆成怨府屢干閒秩
歛蒙賜罷如釋負擔况辱誤恩寵以故職豈勝感幸敢
謂高誼特以書辭爲祝禮勤意重何以克當前在事日
不敢出城解官之初卽至妙喜訪杼山遺跡因到盛庵
穢題輪奐甲于境內仰服送終之孝深懷晤語之益未
有造門之便伏紙詹仰勝仲又上

勝仲諮目再拜述功大孝大夫專介復奉手蹟具審邇
日孝慕之餘起居如宜感慰無量授官月日及大父銘
刻並已祇領餘當如所戒謹奉啟布達不宣勝仲頓首

再拜述功大孝大夫座前

勝仲再拜又啓馳光荏苒歛復改歲伏惟名德之重宜
闊步霄壖久矣乘此泰亨卽膺峻用與國同休雖屏居
無階爲壽然傾祝不勝真切也方欲馳附而慶問先及
但極感銘爾勝仲再拜又上

勝仲又啟勤渥之眷波及賤息兩造賓廡皆蒙飲食數
載之感刻無喻乏便失于卽謝悚仄悚仄時事旬日來
無所聞蓋水村尤僻如鎮中胡編修可謂鳳鳴朝陽朝
野共稱之聞平江權守大漕公亦獨不迎敵書雖在田

畝惓惓實日有漆室之念爾勝仲又上

勝仲再拜又啓去歲辱節饋甚腆俛俯一年又煩不遠
百里輟人船賜以酒饌仰惟厚意何以克當但劇感媿
而已勝仲近于舍南葺小園桐竹粗成倫次小亭三數
不覺度日若得一冬無虞何其幸也頗聞甲第亦展林
枿之勝未緣造門求觀臨書但劇馳繫勝仲再拜又止
勝仲蒙餉清熟二醞仰荷不忘不勝感媿特勤介使尤
荷尤荷勝仲拜謝

勝仲再拜此日不審動履何若才諤有聞宜見褒擢尚
再拜

貴眷一一均慶勝仲上問

右政和大司成顯謨閣待制葛文康公勝仲字魯卿
書簡帖十三幅真蹟一卷公以文鳴盛朝流福燾後
合文與康易名稱矣手澤固太平君子之遺蹟斯亦
足以想東都之風也帖因先後彙所蓄而得不能徧
記歲月特其中指胡忠簡爲鳳鳴朝陽者乃紹熙庚
戌歲公之孫丞相在東府先君爲都曹暇日燕見語

及紹興講信事適有持此帖獻者遂舉以遺云

贊曰辭以情達義以氣激以素心期託名手筆都曹之獲中寓其一尙想風流太平人物

二蔡陪輔展晤二帖

並行書一帖十
二行一帖六行

京頓首拜久不敢數進記引望門闌不勝馳情邊閫比益多事伏想經畫夙夜仰勤台用雪寒不審動靜何如恭惟碩望天下所冀以福己者陪輔之任人立以須臾聽告廷以慰士言非特區區私願所激京頓首拜啓昨夜得展晤雖不款盡亦粗慰區區也雪候極寒計安

佳清燕堂二器送去助小飲不一縷叙卞上

右宣和太師領三省蔡魯公京字元長崇寧知樞密院開府蔡文正公卞字元度陪輔展晤二帖真蹟共一卷公之子條叢談有曰先魯公嘗問米芾今能書者有幾芾對曰自晚唐楊少師近時公家君謨後天下獨有筆三管公家兄弟與芾而已今觀所書良足惜也其無以傳也慶元戊午八月予試江西漕臺得之豫章王氏

贊曰王氏之鬻他帖也有紙縑其間予見其粉墨闌

珊既磨而殘取而攷其氏名輒長愾而永歎曰予聞
 之叢談是與忠惠者若是班乎今驗其字體則豪放
 而具骨力激越而競波瀾使名節足以齊驅則亦何
 羨乎二難然而所立所趨其視忠惠何啻汗池之于
 泰山故雖鬻駟尚得而唾棄之世之以藝稱者斯亦
 足以觀矣

徐明叔向熱傳達二帖

第一帖草書九行
第二帖行書四行

兢頓首再拜彥光提舉朝議丈台座即日夏序向熱恭
 惟台候動止萬福兢閒退之久日知自安正遠瞻對敢

乞惠序保衛益介壽祉謹上啓不宣兢頓首再拜彥光
 提舉朝議丈台座

兢惶恐再拜頃蒙台旨寄方存道書菴傳達得領書上
 呈伏乞視之兢惶恐再拜

右宣和書學博士刑部員外郎徐兢字明叔向熱傳
 達二帖真蹟一卷雞林求能書公以介行歸奏圖經
 遂錫石第十學既設公以師著握蘭含香寢極清選
 凡此者俱可以占其能矣嘉定辛未五月得之上饒
 贊曰書名之行始于東夷歸而範模則有餘師中興

幾人存此絕技太平之風尚想漸被

周美成友議帖

行書
九行

邦彥叩頭罪逆不死奄及祥除食貧所驅未免祿仕言
念及此益深哀摧此月末挈家歸錢唐展省墳域季春
遠當西邁寢遠友議豈勝依依尋卽奉書以候動靜邦
彥叩頭

右宣和大晟令徽猷閣待制清真周公邦彥字美成
友議帖真蹟一卷汴都始賦公以文藝動人主而卒
以詞名天下豈雕蟲篆刻之所推歟字畫之傳斯亦

稱矣嘉泰甲子十二月舟過吳門遇公之孫某同上
蘭省道中相從訪而得之

贊曰左太沖賦三都十年門牆藩溷皆著紙筆予意
其因以寓墨池模倣之妙而未必徒以詫記事備言
之述不然則亦焉用是物也如公書法或者得太沖
之髣髴乎有鳳樓之手以侈其標度有香奩之澤以
蠶其風骨體具態全夫豈一日清真之名公所自出
世不當徒以攷公之詞賦尚可因是著公之幹墨也

翁端朝輕利帖

行書
七行

彥國啓比承訪逮殊慰間闕秋雨伏惟起居輕利初七日輒屈象駕訪及兜率一飯千萬肯臨諸得面可究不宣彥國上啓普照禪師道舊

右靖康御史中丞寶文閣直學士翁公彥國字端朝輕利帖真蹟一卷慶元己未六月予在中都得之麋子良

贊曰結字清而峻用筆精而穩雖燧以粉而墨蹟猶未損公之功名予固未暇論而所謂書法要必有所本矣

吳王造見應命二帖

並行書第一第二帖各七行

拜悚息啓前日幸邂逅未果造見懷仰何量枉教欣審尊候萬福謹奉手狀參承不宣拜悚息再拜宏父知府少卿賢友台座

惠札極欲應命屬目疾久爲梗繼而復有御前文字遂不暇至今然已界下紙非久上納稽緩負愧深劇時雍再啟

右靖康翰林學士承旨吳公拜字正仲吏部尚書王公時雍字□□造見應命二帖真蹟共一卷圍城之

事有識者不忍言也予之得是帖蓋雜他書所錄者
字而已

贊曰所書如此而事如彼既悅我目亦冷我齒我錄
此字與郗超比名焉不刊帖亦奚毀

耿黃門讀易帖

楷書十
五行

南仲啟數日間繼有客至勞勞無休息期今日得暇方
親筆硯欲答前書役夫來又辱言教就審邑事之暇眠
食安佚爲慰長箋見脫深戢勤懇煥然文縟誠爲過禮
寧不愧感也南仲少年讀易終無一得每逢老師宿儒

未嘗不折節求教況吾賢令能講解其深蘊乎何惜爲
我道耶雨雪未霽邑中霑足否何時接辭慰此懷想南
仲頓首虹縣宣德足下

右靖康門下侍郎耿公南仲字晞道讀易帖真蹟一
卷和議之誤天下久矣公于厥初亦未知其究蓋如
此嗟乎亦天時也哉帖得之先君之客耿端仁實開
禧乙丑之八月

贊曰堅冰履霜誨盜慢藏戒隳乎復隍亡繫于苞桑
一乎柔以御剛確其信于殊方以是謀國迄于靖康

則讀易之無一得蓋公之所愧殆非空言以成報章

尙其監茲前事不忘

宇文肅愍兩漢帖三冊

並楷書今撮高惠呂后文帝紀共四板又半板凡三十行繫贊餘

文多不錄

前漢帝紀

自高祖諱邦起至文帝紀致敬無所詔止皆刪節漢紀成文今不錄

右靖康簽書樞密院贈少保宇文肅愍公虛中字叔

通兩漢帖真蹟三冊靖炎之交天地屯否公馳單車

奉明詔以使不測之地留龍庭踰二十年卒以忠死

立身大節逾久逾彰逮乎乾道韓玉之歸申以嘉泰

褒表之制汗青炳如照映千古是書蓋公在南時手

所刪節于心有取片語弗遺細字貫珠一筆無誤雖

螢燈雪几窮年矻矻以課拾芥之效者尚不能無始

勤終怠之異而公之成編貫穿四百載蒼萃十萬言

約不失疎繁不失冗凜然翰墨之英炯炯在目凡公

之心久折不變百鍊益剛弗渝弗磷有歎有守者殆

于寫是書之時已可占之矣珂舊登公孫忠惠公紹

節之門紹定戊子夏四月獲觀手澤繫贊述志于以

想節義之閑真有以見公之無入不自得焉

贊曰昔前輩之觀史也惜陰以分晷繼膏焚殫磨鉛刻槩之功以積數十年之勤夫豈徒以尚夫文哉忠義一節右臣大倫蓋不惟將以取諸人又將有以視其身也今攷公之行己豈不足以信予之聞耶方其指事而料女真抗疏而諫燕雲先見洞昭隱憂畢仰蓋目比夫捐之之棄珠厓安國之爭和親賈生之痛哭流涕徐福之曲突徙薪逮旣往之不咎歎寇患之益深主辱臣死不辭朔塵又欲比夫張騫之取月氏常惠之聘烏孫罷齊兵如酈食其御太公如平國君

旣而國勢未張中原霾昏哀頓挫于九死誓終身之弗諉又欲比夫剛直之揚信筭距之陳遵充國之自脫于匈奴蘇武之仗節于海濱所以發庾詒之書以達川峽則道魔力之已退祈妻子之畱以續家祀則先敵約以自陳昭然此心質于蒼旻其後家已遺身已淪盟歆已牢以讎爲鄰公于是出不得已而竊比乎李陵之自循有志于千秋之冠軍期于義陽侯之刺樓蘭庶乎關都尉之殺屬賓攷初揆終公之志業其有得于史者亦可謂鮮倫矣孰知夫繳蠟書以漏

大謀黨仇敵而殲忠臣有如亡秦者哉此編其藏手澤之真一卷得師公心不泯

李忠定單騎帖

行書
六行

貴聚伏惟萬福賤累輩本欲只留福唐適臨行爲海寇所驚不免挈行當泊家上饒單騎以趨行在也舍弟必時拜見有所諭幸告之綱再拜

右建炎相國李忠定公綱字伯紀單騎帖真蹟一卷靖康之初長蛇荐食公起庶僚奮持天戈以攘以歐卒全廟社建炎爰立首明綱常用正大刑人心旣回

國勢亦活彼其救太原結契丹議巡幸噂喏是非要不足爲大體疵也予舊識公之孫架閣君大有屢求遺帖而不可得細定戊子四月羽士劉君道謙以書自中都來緘是帖見遺始得公手澤蓋剛勁特立之操尚可概見云

贊曰立國有大勢一退則必靡公之守京師蓋社稷之計異時之失繫守之者不通而泥在公無罪也立人有常道一隳則必廢公之正綱常亦天地之義異時之咎謂聞之者不懷而畏于公無悔也謀敵有機

術一隙則必遂公之結契丹乃當爲之理異時之釁
蓋用之者不密而詭非公本指也於寧天方長亂迭
仆迭起人謀弔同特其一耳使世之任事者皆以公
爲諱誰則肯出身主國大議圖全者不愛干棄地僭
僞者無嫌于竊位招攜用間之策皆不容于置喙殆
非有國者之利至于聞命單騎不以家爲累惟吾忠
是視此又公之素志予于此帖蓋得公經綸之緒餘
而初不論其揆辭之與結字也

寶真齋法書贊卷二十一

1

